

## **Ethica Amoris, Sive Theologia Sanctorum, Magni Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XIX. Nemini licet scripturas publicas ementiri ad innocentiam suam  
contra testem in justum defendendam; seu quodvis aliud instrumentum  
amisit, cuius defectu gravissimi momenti item amissurus ...

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

itum, reum minimè obligari ad fatendum crimen suum, unde tantum malum sibi parari videat. Quia obligatio ista foret onus supra natura vires difficile. Unde in re tam ardua Index non est Superior. Numero vero 9. id verum putat, non solùm ubi periculum est vita, sed & cuiuscumque gravissimi, v. g. gravis infamia. Et num. 10. quid de malo levius? Etiam tunc à mortali exculcat cum aequivocatione negantem crimen à se commissum. Quia de jure natura esse videtur, ut ne leve quidem vulnus mihi infligam, &c. Ecce ratiunculas, ob quas omnis penitus Superiorum potestas vix non radicibus evertitur. Si enim Judici & Superiori legitimè præcipienti aliquid, unde grave vel leve malum, seu incommodum timeatur, parendum non est, quando & in quo parendum erit? Etiam in dubio an Superior legitimè præcipiat, parendum esse constat ex dictis tom. 1. ubi de conscientia dubia.

122 At ( inquit Büsembaum l. 4. c. 3. dub. 7.) saltem nemo tenetur obedire Superiori in caput suum. Tum quia lex humana communiter non obligat cum periculo mortis. Tum quia inhumanum videtur, ut qui convinci non potest, teneatur præbere arma contra se, quibus occidatur, aut gravem peccatum subeat. Tum quia non videtur tam heroicus actus præcipi posse.

123 At ( inquam ego ) commune Reipublicæ bonum, judiciorum praxis, autoritas & necessitas, dilectione Dei & proximi contrarium exigit, ut probatum est suprà; exigit ( inquam ) ut in casu assertionis nostra reus obedire teneatur cum periculo mortis; exigit ut reus veritatem confiteatur, licet ob confessionem occidendum sit; denique exigit actu illum, tametsi difficultem, præcipi posse, ut etiam præmissa evincunt. Ea prouide in re, licet ardua, Judex non desinit esse Superior, ut Tamburinus existimat n. 6.

## C A P U T X I X.

Nemini licet scripturas publicas ementiri ad innocentiam suam contra testimoniū injustum defendendam, nec ille qui veram apocaham, scedens am obligatoriam, seu quodvis aliud instrumentum amisit, cuius defectus gravissimi momentum item amissurum est, falsum fabricare ac supponere potest absque gravi peccato.

124 Tamburinus l. 9. c. 3. §. 2. postquam in materia invidiosa ad quætionem, Quid enim si sedem tam oportet probari esse illum testimoniū contra te falso deponentem, si hareticum, si excommunicatum, an hoc licebit ad repellendum ipsius testimonium? velut sub aliena persona respondebit ( inquit ) aliquis, sibi testimoniū falso id imputet. Subjungit: audio, sed adhuc hereo. Quid enim si sit necesse publicas scripturas ementiri, posseme Notarius publicus ad hoc inducere, si Notario constaret mea innocentia? Iterum sub aliena velut persona, respondebit, quidni? Id enim non est infidelem esse Reipublica, sed maximè fidem, dum ejus-

dem Respublica innocentes sic defenduntur. Sic ille, in aliud quidem tempus id evolvendum reservans, & incertum relinquens, an id licitum non sit. Verum hærelis est dubitare an licitum sit, quod octavo certò prohibitum est præcepto, ut sapienter Curiones Parisienses in scripto suo non obseruant. Et vero si certò prohibitum non est, si ( inquam ) ad casum illum certò se non extendat octavo præcepti prohibitio, iuxta eundem Tamburinum certò est licitum. Quia, ut ait l. 1. c. 3. §. 7. si adhibita diligentia dubites, an lex ad aliquem causum se extendat, non teneris ad illam, quia tunc possideris libertas, qua cum sit certa, non potest ligari lege incertâ. Cui conformiter Terillus in fundam Th. Mor. q. 23. n. 161. Lex nos obligat, nisi sit sufficienter promulgata; talis autem non est, nisi sit manifesta & evidenter cognita. Et ante utrumque Caramuel Theol. fundam. edit. Lugdun. n. 275. Nihil habendum illicium, nisi quod impingit evidenter in aliquam legem, obligatoriam evidenter. Tamburiana prouinde Decalogi explicatio, verius est ipsius relaxatio, ut Sinnichius demonstrat in Säule suo Exrete.

Propterea omnino abjicienda est illa ipsius responsio, licet sub dubio ac veluti aliena sub persona proposita. Sicut & propositio ista Emmanuelis Sa verbo falsarius h. 2. edit. 1. False non est, nec peccatum mortale, amissa scriptura de hereditate, aut nobilitate, alias similem efficer. Et iterum apud Guumenium p. 112. n. 2. Falsificans aliquam privatam scripturam aut syngraphum, aut apocham, fidem facientem se satisfacie debito pecunia mutuo accepta, dum aliam legitimam à creditore acceptam amisit, alio modo non valens probare solutionem, non est damnandus peccati mortalitatis. Sunt enim Reipublicæ perniciose opiniones istæ, sunt falsæ, sunt scandalosæ. Quamvis enim similia faciens injuriam non faciat proximo, commitit tamen mendacium Reipublicæ, ac publicæ fidei perniciosum, & ad ea Notarium inducens, inducit ad perjurium, sive ad violandum juramentum ab eo Reipublica præstatum.

## C A P U T X X.

Octavo præcepto non solùm prohibetur externa locutio contra proximum, sed & interna per dubitationem, suspicionem, opinionem, & judicium temerarium, quorum natura & malitia explicatur.

A nte omnia explicandum est discrimen 126 inter dubitationem, suspicionem, opinionem, & judicium. Dubitatio est hæsitatio intellectus, non magis declinantis in unam, quam in aliam partem, sed in medio suspensus tenens intellectum. Suspicio est inclinatio seu propensio intellectus ad assentum unius partis, sic tamen ut necdum assentiatur, vel ad debiliter, ut in primo gradu ultra dubitationem substat, in inchoato scilicet, &

ff. 3